



Broj: 01-50-1-15-22/24

Sarajevo, 22. 10. 2024.

PRIMLJENO: 01-11-2024			
Organizaciona jedinica	Klasifikaciona oznaka	Redni broj	Broj priloga

ZAPISNIK

22. sjednice Predstavničkog doma Parlamentarne skupštine Bosne i Hercegovine, održane 22. 10. 2024.

Sjednica je počela u 12.17 sati. Prisustvovalo je 39 poslanika.

Odsustvovali su: Mira Pekić, Vlatko Glavaš i Aida Baručija.

Sjednici su prisustvovali: predsjedavajuća Vijeća ministara BiH Borjana Krišto, ministar finansija i trezora BiH Srđan Amidžić, ministar pravde BiH Davor Bunoza, ministar za ljudska prava i izbjeglice BiH Sevlid Hurić, zamjenica ministricе civilnih poslova BiH Marijana Mojić, zamjenica ministra za ljudska prava i izbjeglice BiH Duška Jurišić, zamjenik ministra komunikacija i prometa BiH Ognjen Janjić, zamjenik ministra vanjskih poslova BiH Ivica Brkić i zamjenik ministra finansija i trezora BiH Muhamed Hasanović.

Sjednicu su pratili predstavnici: Ministarstva komunikacija i prometa BiH, Ministarstva pravde BiH, Ministarstva finansija i trezora BiH i Ureda za reviziju institucija BiH.

Iz međunarodnih organizacija sjednicu su pratili predstavnici OSCE-a i Vijeća Evrope.

Predsjedavajući je rekao da će, u skladu s članom 167. Poslovnika, na početku sjednice, a prije rasprave o dnevnom redu, poslanicima biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najavu za postavljanje poslaničkog pitanja u usmenoj formi dostavili su:

- **Rejhana Dervišević** – predsjedavajućoj Vijeća ministara BiH,
- **Ermina Salkičević-Dizdarević** – ministru vanjske trgovine i ekonomskih odnosa BiH,
- **Saša Magazinović** – predsjedavajućoj Vijeća ministara BiH,
- **Jasmin Emrić** – ministru za ljudska prava i izbjeglice BiH,
- **Šemsudin Mehmedović** – ministru pravde BiH,
- **Nenad Grković** – ministru pravde BiH.

Najave su, u skladu s članom 168. stav (2) Poslovnika, dostavljene predsjedavajućoj Vijeća ministara BiH i onom članu Vijeća ministara BiH na koga se pitanja odnose.

Predsjedavajući je podsjetio na to da je osiguran i direktan TV-prijenos ovog dijela sjednice, u skladu s članom 167. stav (1) Poslovnika.

Sadržaj postavljenih pitanja je sljedeći: ¹

Rejhana Dervišević

„Ovaj dom je na svojoj 13. sjednici prošle godine u novembru usvojio Rezoluciju o sprečavanju svih oblika nasilja nad ženama i uznemiravanja žena u BiH. Tada je zatraženo od Vijeća ministara BiH i drugih nadležnih organa da, u skladu sa svojim nadležnostima, pristupe izradi dokumenata koji su u vezi s definisanjem okvira politika i mjera za zaštitu i pomoć svim žrtvama nasilja, a na način da se u potpunosti implementiraju odredbe Konvencije Vijeća Evrope o sprečavanju i borbi protiv nasilja nad ženama i nasilja u porodici, odnosno Istanbulskoj konvenciji koju je BiH potpisala prije više od deset godina. Također je zatraženo od Vijeća ministara BiH i drugih nadležnih organa da pokrenu kampanju o jačanju svijesti o sprečavanju nasilja nad ženama i uznemiravanju žena, kao i o sprečavanju nasilja u porodici. Nadalje je zatraženo da se uspostavi efikasna saradnja s odgovarajućim nevladinim organizacijama, kao i organizacijama civilnog društva koji su aktivni u borbi protiv nasilja i nad ženama i uznemiravanja žena. U susret predstojećoj međunarodnoj kampanji za borbu protiv nasilja nad ženama i djevojčicama u kojima učestvuje i BiH „16 dana aktivizma“, koja počinje 25. novembra Međunarodnim danom borbe protiv nasilja nad ženama i traje do 10. decembra kada se obilježava Dan ljudskih prava, moje pitanje za predsjedavajuću Vijeća ministara je – Koje su konkretne aktivnosti i mjere preduzete po ovim zaključcima koje je usvojio Predstavnički dom?“

Odgovor na pitanje dala je predsjedavajuća Vijeća ministara BiH Borjana Krišto. Rejhana Dervišević zatražila je da se odgovor dostavi i u pisanoj formi.

Ermina Salkičević-Dizdarević

„Moje pitanje upućujem ministru vanjske trgovine u ekonomskih odnosa BiH, a vezano je za zaključke i preporuke Pododbora za transport, energiju i životnu sredinu, koje su nastale 24. 4. 2023. i tiču se seta energetske zakona koje je BiH u obavezi usvojiti u skladu s Ugovorom o Energetskoj zajednici čije smo obaveze prihvatili. Naime, željela bih još jednom pitati uvaženog ministra za vremenski okvir kada ćemo imati usvojen, odnosno u ovoj proceduri dostavljen zakon o klimi, zakon o električnoj energiji i zakon o gasu, kao i Nacionalni, energetske plan BiH, takozvani NECP, a znamo da su nam obaveze iz oblasti energetike već na vratima i da ćemo od januara 2026. godine imati primjenu obračuna..., mislim da još uvijek, ne mislim, nego znam da još uvijek kao zemlja nismo spremni, barem kada je u pitanju zakonski okvir, a kamo li primjena istog unutar institucija BiH i drugih nivoa.“

S obzirom da sjednici nije prisustvovao ministar vanjske trgovine i ekonomskih odnosa BiH Staša Košarac, potrebno je da se odgovor dostavi u pisanoj formi.

¹ Sadržaj pitanja preuzet je iz neautoriziranog transkripta 22. sjednice Predstavničkog doma.

Saša Magazinović

„Moje pitanje se odnosi na proces legalizacije kanabisa u medicinske svrhe. Dakle, ovaj proces je primjer izostanka svijesti i solidarnosti donosilaca odluka u BiH. To je i primjer slučaja da su interesne grupe, da ne kažem narko mafija, zasada jače od države. Ova boca vode, ako bi u njoj bilo ulje kanabisa, koštala bi minimalno 30.000,00 pa naviše maraka i u tome leži razlog zašto se ovaj proces odugovlači toliko i zašto je nekima u interesu da pacijenti ne mogu kupiti ulje kanabisa u apoteci kao lijek, nego kupuju od narko dilera u mračnim parkovima. Svi su za legalizaciju kanabisa, političari, stranke, struka, građani, vjerske zajednice. Legalizacija kanabisa je naša međunarodna obaveza spram UN-ove Komisije za droge i naš zakon je napravljen upravo da bi provodio ove obaveze. SIPA i Tužilaštvo odnedavno su uključeni u istragu slučajeva neovlaštene prodaje proizvoda na bazi kanabisa u različitim apotekama, tržišnim centrima itd. Koraci su jasni, ali svaki se odugovlači, izgleda da je važnijih nečijih par stotina maraka u nekoj komisiji, nego životi i zdravlje ljudi. U javnosti se stvara utisak da je važnije odugovlačiti proces kako bi neki diler dodatno zaradio, nego omogućiti da se ulje kanabisa prodaje u apoteci. Moje pitanje predsjedavajućoj Vijeća ministara uz, moram ovo naglasiti, zahvalu na dosadašnjoj podršci ovoj čitavoj priči i ličnom angažmanu, dakle ovo nije strana koju kritikujem, nego tražim pojašnjenje u podršku. Dakle, kakva su Vaša saznanja o opstrukcijama i zastojeima u procesu legalizacije kanabisa u medicinske svrhe, u kojoj je fazi proces, šta su naredni koraci i koji je vremenski okvir?“

Odgovor na pitanje dala je predsjedavajuća Vijeća ministara BiH Borjana Krišto. Saša Magazinović je komentirao odgovor.

Jasmin Emrić

„Na ranijim sjednicama ovog uvaženog doma kolege zastupnici Begić i Dunović postavljali su pitanja u vezi sa zakonitosti imenovanja vršilaca dužnosti zastupnika ili agenta Vijeća ministara BiH pred Evropskim sudom za ljudska prava zbog postojanja osnova sumnje na izvršenje krivičnog djela u pogledu nezakonitog imenovanja agentice Vijeća ministara za zastupanje pred Evropskim sudom za ljudska prava Monike Mijić, kolega Begić je podnio krivičnu prijavu protiv predsjedavajuće Vijeća ministara Borjane Krišto, članova Vijeća ministara i drugih nepoznatih osoba. Poznavajući stručnost, kompetencije i objektivnost doktora prava, kolege Begića, a uvažavajući i dosadašnji vrlo značajan angažman kolege Dunovića u rasvjetljavanju ovog spornog imenovanja od strane Vijeća ministara kojim su imenovani vršioci dužnosti zastupnika ili agenta Vijeća ministara pred Evropskim sudom za ljudska prava, i to Monika Mijić kao rukovoditeljica Ureda, Amer Hasancendić kao zastupnik i Bojan Bajić kao zastupnik, želim podržati sve dosadašnje aktivnosti kolega Begića i Dunovića i pridružiti se u prikupljanju svih relevantnih informacija u vezi s ovim slučajem spornog i nezakonitog imenovanja agenata Vijeća ministara. S tim u vezi postavljam pitanje ministru za ljudska prava i izbjeglice Sevlidu Hurtiću, koje glasi: Šta je pravni osnov i da li uopće postoji da Ministarstvo za ljudska prava i izbjeglice vrši isplatu plaća, naknada i putnih troškova licima imenovanim rješenjem Vijeća ministara BiH, broj 61/24 od 19. 3. 2024. godine za vršioca dužnosti agenta Vijeća ministara BiH pred Evropskim sudom za ljudska prava nakon isteka njihovog mandata 17. jula 2024. godine, te kakvo je mišljenje Ureda za zakonodavstvo u vezi s ovim slučajem?“

Ministar za ljudska prava i izbjeglice BiH Sevlid Hurtić rekao je da će dostaviti odgovor u pisanoj formi. Jasmin Emrić dao je komentar.

Šemsudin Mehmedović

„Upravnom inspektoratu BiH uputio sam 24. 9. '24. godine zahtjev da utvrdi da li je direktor SIPA-e Darko Ćulum bio dužan da po sili zakona donese rješenje o otkazu ugovora o radu Zoranu Galiću, jer je isti izostao s posla pet radnih dana uzastopno, odnosno izostao je s posla više od dva mjeseca. Zoranu Galiću je radni odnos morao prestati na osnovu člana 71. stav (1) tačka f) alineija 1. Zakona o radu u institucijama BiH kojim je utvrđeno da radni odnos prestaje po sili zakona ako je zaposlenik neopravdano izostao s posla pet radnih dana uzastopno, odnosno sedam radnih dana s prekidima u roku od šest mjeseci. Dana 10. 10. 2024. dostavljen mi je zaključak Upravnog inspektorata kojim se moj zahtjev odbacuje zbog nenadležnosti i ističe se da je članom 95. Zakona o policijskim službenicima BiH propisano da se Zakon o radnim odnosima i ostali zakoni kojima se uređuju prava i obaveze radnog odnosa primjenjuju na policijske službenike ukoliko nije drugačije određeno ovim zakonom. Upravni inspektorat ističe da su članom 119. istog zakona propisane osnove prestanka radnog odnosa policijskih službenika i da se u konkretnom slučaju ne primjenjuju odredbe Zakona o radu u institucijama BiH. Pitanje za ministra pravde gospodina Davora Bunoza – Da li ministar pravde BiH smatra da policijskim službenicima radni odnos ne prestaje po sili zakona ako je policijski službenik neopravdano izostao s posla pet radnih dana uzastopno, kao i u slučaju smrti zaposlenika? Dakle, da ostaje u radnom odnosu i kada umre jer ova dva slučaja nisu propisana Zakonom o policijskim službenicima BiH. Nažalost, u BiH se ništa ne podrazumijeva, osim ako nije jasno propisano zakonom. I da li slučaj Zorana Galića znači da od sada i ostali policijski službenici koji neopravdano odsustvuju s posla duže od pet radnih dana neće dobiti otkaz?“

Odgovor na pitanje dao je ministar pravde BiH Davor Bunoza. Šemsudin Mehmedović komentirao je dobiveni odgovor.

Nenad Grković

„Moje pitanje je jako prosto, odnosi se, upućeno je dakle ministru pravde BiH, a pitanje glasi – Da li je protiv ministra Nenada Nešića vođen krivični postupak i zbog čega? Dakle, volio bih da dobijem te odgovore, jer postoji masa tih nekih špekulacija u medijima i volio bih da nam ministar odgovori na to pitanje.“

Odgovor na pitanje dao je ministar pravde BiH Davor Bunoza. Nenad Grković komentirao je dobiveni odgovor.

Predsjedavajući je, povodom utvrđivanja dnevnog reda, rekao sljedeće:

Na zahtjev Zajedničke komisije za ljudska prava s dnevnog reda skinuta je ranija:

- **Tačka 12.** Izvještaj o realizaciji Revidirane strategije za provođenje Aneksa VII. Dejtonskog mirovnog sporazuma u Bosni i Hercegovini za 2022. godinu, podnosilac: Ministarstvo za ljudska prava i izbjeglice BiH, broj: 01,02-41-1415/24 od 19. 7. 2024.

Izmijenjene su:

- **Tačka 4.** Prijedlog zakona o dopuni Izbornog zakona Bosne i Hercegovine, predlagač: poslanici iz Kluba SDA Amor Mašović, Safet Kešo, Denijal Tulumović, Šemsudin Dedić, Edin Ramić, Nermin Mandra, Midhat Čaušević i Šerif Špago, broj: 01-02-1-709/24 od 2. 4. 2024, s Mišljenjem Ustavnopravne komisije (koje je negativno po drugi put) i
- **Tačka 5.** Prijedlog zakona o dopunama Krivičnog zakona Bosne i Hercegovine, predlagač: poslanik Nihad Omerović, broj: 01-02-1-1166/24 od 13. 6. 2024, s Mišljenjem Ustavnopravne komisije (koje je negativno).

Na dnevni red dodate su:

- **Tačka 25.** Davanje saglasnosti za ratifikaciju Sporazuma između Vijeća ministara Bosne i Hercegovine i Populacijskog fonda Ujedinjenih naroda, broj: 01,02-21-1-1941/24 od 10. 10. 2024;
- **Tačka 26.** Davanje saglasnosti za ratifikaciju Sporazuma o zajmu (Projekat unapređenja geoprostorne infrastrukture i procjene vrijednosti nekretnina) između Bosne i Hercegovine i Međunarodne banke za obnovu i razvoj, broj: 01,02-21-1-1942/24 od 10. 10. 2024;
- **Tačka 27.** Davanje saglasnosti za ratifikaciju Izmjena i dopuna Sporazuma o zajmu i Projektnog sporazuma Republike Srpske između Bosne i Hercegovine i Međunarodne banke za obnovu i razvoj (Bosna i Hercegovina – Projekat oporavka i podrške firmama, broj kredita: 9183-BA), broj: 01,02-21-1-1975/24 od 16. 10. 2024;
- **Tačka 28.** Davanje saglasnosti za ratifikaciju Ugovora broj 1 o Amandmanu na Ugovor o zajmu potpisan 12. aprila 2022. (GrCF2 W2 Javni prijevoz Sarajevo e-Mobility) između Bosne i Hercegovine i Evropske banke za obnovu i razvoj, broj: 01,02-21-1-2008/24 od 21. 10. 2024;
- **Tačka 29.** Davanje saglasnosti za ratifikaciju Ugovora broj 1 o Amandmanu na Ugovor o zajmu potpisan 1. februara 2023. (GrCF2 W2 E2 – Tramvajska pruga Ilidža - Hrasnica) između Bosne i Hercegovine i Evropske banke za obnovu i razvoj, broj: 01,02-21-1-2009/24 od 21. 10. 2024.

U okviru rasprave o dnevnom redu Šemsudin Mehmedović predložio je dopunu dnevnog reda tačkom - Provođenje i poštivanje odredbi Poslovnika Predstavničkog doma Parlamentarne skupštine BiH.

Predsjedavajući je rekao da nije dostavljen materijal u pisanoj formi za predloženu tačku te da poslanik Šemsudin Mehmedović može predložiti ovu tačku na nekoj od narednih sjednica Doma.

Predsjedavajući je konstatirao da 22. sjednica Predstavničkog doma ima sljedeći

DNEVNI RED

1. Usvajanje Zapisnika 21. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, predlagač: Vijeće ministara BiH, broj: 01,02-02-1-649/24 od 22. 3. 2024, skraćeni postupak (drugo čitanje);
4. Prijedlog zakona o dopuni Izbornog zakona Bosne i Hercegovine, predlagač: poslanici iz Kluba SDA Amor Mašović, Safet Kešo, Denijal Tulumović, Šemsudin Dedić, Edin Ramić, Nermin Mandra, Midhat Čaušević i Šerif Špago, broj: 01-02-1-709/24 od 2. 4. 2024, s Mišljenjem Ustavnopravne komisije;
5. Prijedlog zakona o dopunama Krivičnog zakona Bosne i Hercegovine, predlagač: poslanik Nihad Omerović, broj: 01-02-1-1166/24 od 13. 6. 2024, s Mišljenjem Ustavnopravne komisije;
6. Prijedlog zakona o dopunama Zakona o porezu na dodatu vrijednost, predlagač: poslanici Sanja Vulić, Mia Karamehić-Abazović, Saša Magazinović, Sabina Ćudić i Čedomir Stojanović, broj: 01-02-1-1829/24 od 25. 9. i 26. 9. 2024. (prvo čitanje);
7. Prijedlog dopune Poslovnika Predstavničkog doma Parlamentarne skupštine Bosne i Hercegovine, predlagač: poslanik Obren Petrović, broj: 03/5-02-4-1721/24 od 12. 9. 2024, sa zahtjevom za razmatranje po hitnom postupku, u skladu s članom 133. Poslovnika, broj: 03/5-02-4-1721-1/24 od 2. 10. 2024;
8. Izvještaj komisije Kolegija o nastojanju za postizanje saglasnosti o prijedlogu zaključka poslanika Šemsudina Mehmedovića povodom rasprave o materijalima Upravnog odbora BHRT-a, broj: 01,02-50-18-921/24 od 4. 9. 2024;
9. Izvještaj komisije Kolegija o nastojanju za postizanje saglasnosti o Izvještaju o finansijskom poslovanju BHRT-a, broj: 01,02-50-18-921/24 od 4. 9. 2024;
10. Izvještaj komisije Kolegija o nastojanju za postizanje saglasnosti o Izvještaju o provođenju zakona iz nadležnosti Centralne izborne komisije Bosne i Hercegovine u 2023. godini, podnosilac: Centralna izborna komisija BiH, broj: 01,02-07-4-1497/24 od 4. 9. 2024;
11. Izvještaj o radu Vijeća ministara BiH za 2023. godinu, broj: 01,02-50-18-1414/24 od 19. 7. 2024;
12. Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine BiH za 2023. godinu, broj: 05/8-50-14-1600/24 od 23. 8. 2024;

13. Izvještaj o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2023. godinu, podnosilac: Predsjedništvo BiH, broj: 01,02-16-1-1377/24 od 15. 7. 2024;
14. Izvještaj o finansijskoj reviziji Izvještaja o izvršenju Budžeta institucija Bosne i Hercegovine za 2023. godinu, podnosilac: Ured za reviziju institucija BiH, broj: 01-16-9-1744/24 od 13. 9. 2024;
15. Izbor sedam članova Komisije za odlučivanje o sukobu interesa u institucijama na nivou Bosne i Hercegovine, podnosilac Izvještaja o utvrđivanju rang-liste kandidata: Zajednička komisija za administrativne poslove, broj: 01,02-34-1-1654/24 od 2. 9. 2024;
16. Izbor člana Visokog sudskog i tužilačkog vijeća BiH, u skladu s članom 4. stav (1) tačka n) Zakona o Visokom sudskom i tužilačkom vijeću BiH, materijal broj: 01-34-1-1346-3/24 od 9. 10. 2024;
17. Oставка Miroslava Janjića na članstvo u Odboru za žalbe građana Parlamentarne skupštine BiH, broj: 01,02-34-7-1826/24 od 25. 9. 2024;
18. Poslanička inicijativa Sabine Ćudić kojom Predstavnički dom Parlamentarne skupštine BiH zahtijeva od Nezavisnog odbora Parlamentarne skupštine BiH da Vijeću ministara BiH predloži smjenu zamjenika direktora Državne agencije za istrage i zaštitu (SIPA) Zorana Galića, u skladu s članom 16. Poslovnika o radu Nezavisnog odbora kao nezavisnog tijela policijske strukture BiH („Službeni glasnik BiH“, broj 93/09), broj: 01-50-1-1674/24 od 5. 9. 2024;
19. Davanje saglasnosti za ratifikaciju Sporazuma između Evropske zajednice za atomsku energiju (EUROATOM) i zemalja koje nisu članice Evropske unije o učešću tih zemalja u aranžmanima Zajednice za ranu razmjenu informacija u slučaju radiološkog vanrednog događaja (ECURIE), broj: 01,02-21-1756/24 od 16. 9. 2024;
20. Davanje saglasnosti za ratifikaciju Globalne konvencije o priznavanju visokoškolskih kvalifikacija, broj: 01,02-21-1757/24 od 16. 9. 2024;
21. Davanje saglasnosti za ratifikaciju Konvencije Vijeća Evrope o kinematografskoj koprodukciji (revidirana), broj: 01,02-21-1768/24 od 17. 9. 2024;
22. Davanje saglasnosti za ratifikaciju Amandmana na bilateralni sporazum između Vijeća ministara Bosne i Hercegovine i *Compania Espanola de Seguros de Credito a la Exportacion, S.A., Cia de Seguros y Reaseguros, S.M.E* (CESCE), broj: 01,02-21-1769/24 od 17. 9. 2024;
23. Davanje saglasnosti za ratifikaciju Sporazuma o finansiranju ponovnog uspostavljanja zajedničke stalne izložbe u Bloku 17 Državnog muzeja Aušvic - Birkenau, broj: 01,02-21-1777/24 od 18. 9. 2024;
24. Davanje saglasnosti za ratifikaciju Sporazuma između Evropske unije i Bosne i Hercegovine o pridruživanju Bosne i Hercegovine Programu EU4Health, broj: 01,02-21-1778/24 od 18. 9. 2024;
25. Davanje saglasnosti za ratifikaciju Sporazuma između Vijeća ministara Bosne i Hercegovine i Populacijskog fonda Ujedinjenih naroda, broj: 01,02-21-1-1941/24 od 10. 10. 2024;
26. Davanje saglasnosti za ratifikaciju Sporazuma o zajmu (Projekat unapređenja geoprostorne infrastrukture i procjene vrijednosti nekretnina) između Bosne i Hercegovine i Međunarodne banke za obnovu i razvoj, broj: 01,02-21-1-1942/24 od 10. 10. 2024;

27. Davanje saglasnosti za ratifikaciju Izmjena i dopuna Sporazuma o zajmu i Projektnog sporazuma Republike Srpske između Bosne i Hercegovine i Međunarodne banke za obnovu i razvoj (Bosna i Hercegovina – Projekat oporavka i podrške firmama, broj kredita: 9183-BA), broj: 01,02-21-1-1975/24 od 16. 10. 2024;
28. Davanje saglasnosti za ratifikaciju Ugovora broj 1 o Amandmanu na Ugovor o zajmu potpisan 12. aprila 2022. (GrCF2 W2 Javni prijevoz Sarajevo e-Mobility) između Bosne i Hercegovine i Evropske banke za obnovu i razvoj, broj: 01,02-21-1-2008/24 od 21. 10. 2024;
29. Davanje saglasnosti za ratifikaciju Ugovora broj 1 o Amandmanu na Ugovor o zajmu potpisan 1. februara 2023. (GrCF2 W2 E2 – Tramvajska pruga Ilidža - Hrasnica) između Bosne i Hercegovine i Evropske banke za obnovu i razvoj, broj: 01,02-21-1-2009/24 od 21. 10. 2024.

Ad. 1. Usvajanje Zapisnika 21. sjednice Predstavničkog doma Parlamentarne skupštine BiH

Predsjedavajući je dao uvodne napomene. Nije bilo rasprave.

Zapisnik 21. sjednice Predstavničkog doma usvojen je s 31 glasom „za“ (iz Federacije BiH 22, iz Republike Srpske devet), bez glasova „protiv“ i jednim „suzdržanim“ glasom.

Ad. 2. Komentari na dobivene odgovore na poslanička pitanja

Predsjedavajući je rekao da su, u skladu s članom 170. Poslovnika, do ove sjednice Predstavničkog doma pitanja i inicijative u pisanoj formi postavili poslanici:

- Šemsudin Mehmedović – postavio sedam pitanja,
- Saša Magazinović – postavio osam pitanja,
- Nermin Mandra – postavio devet pitanja,
- Ermina Salkičević-Dizdarević – postavila dva pitanja,
- Sabina Ćudić – postavila dva pitanja i uputila inicijativu Kolegiju Doma,
- Rejhana Dervišević – postavila 52 pitanja,
- Safet Kešo – postavio dva pitanja,
- po jedno pitanje postavili su: Elvisa Hodžić, Mia Karamahić-Abazović i Jasmin Emrić.

Do današnje sjednice dostavljeni su sljedeći odgovori:

- na pitanja Šemsudina Mehmedovića dostavljeno je 17 odgovora i jedno obavještenje,
- na pitanja Aide Baručije dostavljena su 23 odgovora,
- na pitanja Saše Magazinovića dostavljeno je šest odgovora,

- na pitanja Šemsudina Dedića dostavljena su tri odgovora,
- na pitanja Jasmina Emrića dostavljena su dva odgovora,
- na pitanja Nermina Mandre dostavljena su dva odgovora,
- na pitanja Sabine Ćudić dostavljena su dva odgovora,
- po jedan odgovor dostavljen je na pitanja: Milana Dunovića, Ermine Salkićević-Dizdarević, Safeta Keše, Mladena Bosića, Jasmina Imamovića, Edina Ramića, Mije Karamehić-Abazović i Albina Muslića, a obavještenja su dostavljena povodom pitanja Rejhane Dervišević i inicijative Mije Karamehić-Abazović.

Odgovore su komentirali: Milan Dunović, Šemsudin Mehmedović, Safet Kešo, Jasmin Imamović i Albin Muslić, a Branislav Borenović izrazio je nezadovoljstvo zbog nedostavljanja odgovora u poslovničkom roku.

Ad. 3. Prijedlog zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, predlažać: Vijeće ministara BiH, broj: 01,02-02-1-649/24 od 22. 3. 2024, skraćeni postupak (drugo čitanje)

Predsjedavajući je dao uvodne napomene. Nije bilo rasprave.

Prijedlog zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine usvojen je u drugom čitanju s 29 glasova „za“ (iz Federacije BiH 21, iz Republike Srpske osam), bez glasova „protiv“ i četiri „suzdržana“ glasa.

Ad. 4. Prijedlog zakona o dopuni Izbornog zakona Bosne i Hercegovine, predlažać: poslanici iz Kluba SDA Amor Mašović, Safet Kešo, Denijal Tulumović, Šemsudin Dedić, Edin Ramić, Nermin Mandra, Midhat Čaušević i Šerif Špago, broj: 01-02-1-709/24 od 2. 4. 2024, s Mišljenjem Ustavnopravne komisije

Predsjedavajući je dao uvodne napomene.

Predsjedavajući je konstatirao da, s obzirom na to da je Ustavnopravna komisija po drugi put dala negativno mišljenje o Prijedlogu zakona o dopuni Izbornog zakona Bosne i Hercegovine, predlažać: poslanici iz Kluba SDA Amor Mašović, Safet Kešo, Denijal Tulumović, Šemsudin Dedić, Edin Ramić, Nermin Mandra, Midhat Čaušević i Šerif Špago, zakonodavna procedura je po Prijedlogu zakona obustavljena.

Šerif Špago istaknuo je povredu Poslovnika.

Ad. 5. Prijedlog zakona o dopunama Krivičnog zakona Bosne i Hercegovine, predlagač: poslanik Nihad Omerović, broj: 01-02-1-1166/24 od 13. 6. 2024, s Mišljenjem Ustavnopravne komisije

Predsjedavajući je dao uvodne napomene. Diskutirao je Nihad Omerović.

Mišljenje Ustavnopravne komisije nije prihvaćeno – „za“ je glasalo 16 poslanika (iz Federacije BiH šest, iz Republike Srpske deset), „protiv“ 17, „suzdržanih“ nije bilo. Ustavnopravna komisija zadužena je da sačini novo mišljenje o Prijedlogu zakona o dopunama Krivičnog zakona Bosne i Hercegovine, u skladu s članom 113. stav (3) Poslovnika.

Ad. 6. Prijedlog zakona o dopunama Zakona o porezu na dodatu vrijednost, predlagač: poslanici Sanja Vulić, Mia Karamehić-Abazović, Saša Magazinović, Sabina Ćudić i Čedomir Stojanović, broj: 01-02-1-1829/24 od 25. 9. i 26. 9. 2024. (prvo čitanje)

Nakon uvodnih napomena predsjedavajućeg, u raspravi su učestvovali: Denis Zvizdić, Branislav Borenović, Predrag Kožul, Midhat Čaušević, Mia Karamehić-Abazović, Safet Kešo, Jasmin Emrić, Milan Petković, Čedomir Stojanović, Milan Dunović i Jasmin Imamović, a poslanicima se obratio ministar finansija i trezora BiH Srđan Amidžić.

Prijedlog zakona o dopunama Zakona o porezu na dodatu vrijednost usvojen je u prvom čitanju jednoglasno, s 33 glasa „za“ (iz Federacije BiH 23, iz Republike Srpske deset).

Ad. 7. Prijedlog dopune Poslovnika Predstavničkog doma Parlamentarne skupštine Bosne i Hercegovine, predlagač: poslanik Obren Petrović, broj: 03/5-02-4-1721/24 od 12. 9. 2024, sa zahtjevom za razmatranje po hitnom postupku, u skladu s članom 133. Poslovnika, broj: 03/5-02-4-1721-1/24 od 2. 10. 2024.

Nakon uvodnih napomena predsjedavajućeg, nije bilo rasprave o zahtjevu za hitni postupak.

Zahtjev poslanika Obrena Petrovića za razmatranje Prijedloga dopune Poslovnika Predstavničkog doma Parlamentarne skupštine Bosne i Hercegovine usvojen je s 26 glasova „za“ (iz Federacije BiH 18, iz Republike Srpske osam), četiri „protiv“ i pet „suzdržanih“ glasova.

Nije bilo rasprave o Prijedlogu dopune Poslovnika.

Prijedlog dopune Poslovnika Predstavničkog doma Parlamentarne skupštine Bosne i Hercegovine usvojen je s 30 glasova „za“ (iz Federacije BiH 23, iz Republike Srpske sedam), bez glasova „protiv“ i četiri „suzdržana“ glasa.

Ad. 8. Izvještaj komisije Kolegija o nastojanju za postizanje saglasnosti o prijedlogu zaključka poslanika Šemsudina Mehmedovića povodom rasprave o materijalima Upravnog odbora BHRT-a, broj: 01,02-50-18-921/24 od 4. 9. 2024.

Nakon uvodnih napomena predsjedavajućeg, nije bilo rasprave jer je okončana na prethodnoj sjednici.

U drugom krugu glasanja, s 20 glasova „za“, 12 „protiv“ (iz Federacije BiH četiri, iz Republike Srpske osam) i dva „suzdržana“ glasa, na prijedlog Šemsudina Mehmedovića, usvojen je zaključak koji glasi: „Predstavnički dom Parlamentarne skupštine BiH predlaže Vladi Federacije BiH da hitno izmijeni član 29. stav (2) Zakona o izvršnom postupku Federacije Bosne i Hercegovine tako da i račun za RTV taksu ili izvod iz poslovnih knjiga za cijenu RTV takse ima svojstvo vjerodostojne isprave, čime bi se omogućilo povećanje stepena naplate RTV takse u Federaciji BiH.“

Ad. 9. Izvještaj komisije Kolegija o nastojanju za postizanje saglasnosti o Izvještaju o finansijskom poslovanju BHRT-a, broj: 01,02-50-18-921/24 od 4. 9. 2024.

Nakon uvodnih napomena predsjedavajućeg, nije bilo rasprave jer je okončana na prethodnoj sjednici.

Predstavnički dom, u drugom krugu glasanja, usvojio je Izvještaj o finansijskom poslovanju BHRT-a. „Za“ su glasala 24 poslanika, „protiv“ osam (iz Republike Srpske), „suzdržana“ dva.

Ad. 10. Izvještaj komisije Kolegija o nastojanju za postizanje saglasnosti o Izvještaju o provođenju zakona iz nadležnosti Centralne izborne komisije Bosne i Hercegovine u 2023. godini, podnosilac: Centralna izborna komisija BiH, broj: 01,02-07-4-1497/24 od 4. 9. 2024.

Nakon uvodnih napomena predsjedavajućeg, nije bilo rasprave jer je okončana na prethodnoj sjednici.

Predstavnički dom, u drugom krugu glasanja, nije usvojio Izvještaj o provođenju zakona iz nadležnosti Centralne izborne komisije Bosne i Hercegovine u 2023. godini. „Za“ je glasalo 16 poslanika, „protiv“ 16 (iz Federacije BiH šest, iz Republike Srpske deset), „suzdržana“ dva.

Ad. 11. Izvještaj o radu Vijeća ministara BiH za 2023. godinu, broj: 01,02-50-18-1414/24 od 19. 7. 2024.

Nakon uvodnih napomena predsjedavajućeg, u raspravi su učestvovali Jasmin Emrić i Šemsudin Mehmedović.

Na prijedlog Šemsudina Mehmedovića, a u skladu s članom 74. stav (3) Poslovnika, Dom se izjasnio o tome da li će se voditi rasprava o ovoj tački bez prisustva predlagača. Sa osam glasova „za“ (iz Federacije BiH tri, iz Republike Srpske pet), 19 „protiv“ i sedam „suzdržanih“ glasova, odlučeno je da se rasprava o Izvještaju o radu Vijeća ministara BiH za 2023. godinu neće voditi bez prisustva predlagača. Konstatirano je da je potrebno podsjetiti Vijeće ministara BiH na odredbe člana 74. Poslovnika kojima je propisana obaveza prisustva predlagača materijala prilikom njegovog razmatranja.

Ad. 12. Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine BiH za 2023. godinu, broj: 05/8-50-14-1600/24 od 23. 8. 2024.

Nakon uvodnih napomena predsjedavajućeg, nije bilo rasprave.

Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine BiH za 2023. godinu usvojen je s 32 glasa „za“ (iz Federacije BiH 22, iz Republike Srpske deset), bez glasova „protiv“ i dva „suzdržana“ glasa.

Ad. 13. Izvještaj o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2023. godinu, podnosilac: Predsjedništvo BiH, broj: 01,02-16-1-1377/24 od 15. 7. 2024.

Predsjedavajući je dao uvodne napomene.

Na prijedlog Safeta Keše, a u skladu s članom 74. stav (3) Poslovnika, Dom se izjasnio o tome da li će se voditi rasprava o ovoj tački bez prisustva predlagača. S 11 glasova „za“ (iz Federacije BiH šest, iz Republike Srpske pet), 12 „protiv“ i osam „suzdržanih“ glasova, odlučeno je da se rasprava o Izvještaju o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2023. godinu neće voditi bez prisustva predlagača. Konstatirano je da je potrebno podsjetiti Predsjedništvo BiH na odredbe člana 74. Poslovnika kojima je propisana obaveza prisustva predlagača materijala prilikom njegovog razmatranja.

Ad. 14. Izvještaj o finansijskoj reviziji Izvještaja o izvršenju Budžeta institucija Bosne i Hercegovine za 2023. godinu, podnosilac: Ured za reviziju institucija BiH, broj: 01-16-9-1744/24 od 13. 9. 2024.

Predsjedavajući je dao uvodne napomene.

U raspravi su učestvovali: Rejhana Dervišević, Šerif Špago, Mia Karamehić-Abazović i Šemsudin Dedić.

Zaključci iz Mišljenja Komisije za finansije i budžet usvojeni su jednoglasno, s 34 glasa „za“ (iz Federacije BiH 24, iz Republike Srpske deset). Zaključci glase:

1. „Predstavnički dom Parlamentarne skupštine BiH traži od Vijeća ministara BiH i Ministarstva finansija i trezora BiH da pristupe realizaciji preporuka revizije koje su sadržane u tekstu Izvještaja o finansijskoj reviziji izvršenja Budžeta institucija BiH za 2023. godinu te da Predstavničkom domu Parlamentarne skupštine BiH najkasnije do 1. 6. 2025. dostave informaciju o realizaciji preporuka iz Izvještaja.
2. Predstavnički dom Parlamentarne skupštine BiH traži od Vijeća ministara BiH i Ministarstva finansija i trezora BiH da preduzmu aktivnosti iz svoje nadležnosti kako bi institucije BiH uskladile pravilnike o unutrašnjoj organizaciji i sistematizaciji radnih mjesta s važećim odlukama Vijeća ministara BiH.
3. Predstavnički dom Parlamentarne skupštine BiH traži od Ministarstva finansija i trezora BiH da sačini prijedlog propisa kojim se uređuje postupak nadzora nad Zakonom o plaćama i naknadama u institucijama BiH i dostavi ga nadležnim institucijama u daljnju proceduru.
4. Predstavnički dom Parlamentarne skupštine BiH traži od Vijeća ministara BiH da uvede ili propiše praksu odnosno mehanizme utvrđivanja odgovornosti radi eventualnog nedomaćinskog, nemarnog i nezakonitog postupanja koje je dovelo do sudskih sporova.“

Izvještaj o finansijskoj reviziji Izvještaja o izvršenju Budžeta institucija Bosne i Hercegovine za 2023. godinu usvojen je jednoglasno, s 34 glasa „za“ (iz Federacije BiH 24, iz Republike Srpske deset).

Ad. 15. Izbor sedam članova Komisije za odlučivanje o sukobu interesa u institucijama na nivou Bosne i Hercegovine, podnosilac Izvještaja o utvrđivanju rang-liste kandidata: Zajednička komisija za administrativne poslove, broj: 01,02-34-1-1654/24 od 2. 9. 2024.

Predsjedavajući je dao uvodne napomene.

U raspravi su učestvovali Jasmin Emrić i Šerif Špago.

Predstavnički dom, s 21 glasom „za“ (iz Federacije BiH 13, iz Republike Srpske osam), tri „protiv“ i deset „suzdržanih“ glasova, u Komisiju za odlučivanje o sukobu interesa u institucijama Bosne i Hercegovine imenovao je: Dejana Ružića, Dženana Šečerbajtarevića, Ilmu Mehić-Jusufovića, Danijelu Despotović, Slavku Alagić, Ljubomira Kuravicu i Andreju Softić.

Ad. 16. Izbor člana Visokog sudskog i tužilačkog vijeća BiH, u skladu s članom 4. stav (1) tačka n) Zakona o Visokom sudskom i tužilačkom vijeću BiH, materijal broj: 01-34-1-1346-3/24 od 9. 10. 2024.

Nakon uvodnih napomena predsjedavajućeg, u raspravi su učestvovali: Safet Kešo, Jasmin Emrić i Milan Petković.

Predstavnički dom, s 30 glasova „za“ (iz Federacije BiH 23, iz Republike Srpske sedam), bez glasova „protiv“ i četiri „suzdržana“ glasa, izabrao je Džamnu Vranić za članicu Visokog sudskog i tužilačkog vijeća BiH.

Ad. 17. Ostavka Miroslava Janjića na članstvo u Odboru za žalbe građana Parlamentarne skupštine BiH, broj: 01,02-34-7-1826/24 od 25. 9. 2024.

Nakon uvodnih napomena predsjedavajućeg, nije bilo rasprave.

S 24 glasa „za“ (iz Federacije BiH 15, iz Republike Srpske devet), bez glasova „protiv“ i deset „suzdržanih“ glasova, prihvaćena je ostavka Miroslava Janjića na članstvo u Odboru za žalbe građana Parlamentarne skupštine BiH.

Ad. 18. Poslanička inicijativa Sabine Ćudić kojom Predstavnički dom Parlamentarne skupštine BiH zahtijeva od Nezavisnog odbora Parlamentarne skupštine BiH da Vijeću ministara BiH predloži smjenu zamjenika direktora Državne agencije za istrage i zaštitu (SIPA) Zorana Galića, u skladu s članom 16. Poslovnika o radu Nezavisnog odbora kao nezavisnog tijela policijske strukture BiH („Službeni glasnik BiH“, broj 93/09), broj: 01-50-1-1674/24 od 5. 9. 2024.

Nakon uvodnih napomena predsjedavajućeg, u raspravi su učestvovali Sabina Ćudić, Šemsudin Mehmedović i Jasmin Emrić.

Poslanička inicijativa Sabine Ćudić usvojena je s 30 glasova „za“ (iz Federacije BiH 20, iz Republike Srpske deset), četiri „protiv“ i bez „suzdržanih“ glasova.

Prije prelaska na tačku 19. dnevnog reda, predsjedavajući je predložio da se objedini rasprava o tačkama 19 - 29. s obzirom na to da je riječ o davanju saglasnosti za ratifikaciju materijala. Ovaj prijedlog prihvaćen je s 29 glasova „za“ (iz Federacije BiH 22, iz Republike Srpske sedam), bez glasova „protiv“ i četiri glasa „suzdržan“.

Ad. 19 - 29. Davanje saglasnosti za ratifikaciju

Predsjedavajući je predložio da se objedini glasanje o tačkama 19 - 29. s obzirom na to da je riječ o davanju saglasnosti za ratifikaciju materijala.

Ovaj prijedlog prihvaćen je s 33 glasa „za“ (iz Federacije BiH 24, iz Republike Srpske devet), bez glasova „protiv“ i jednim glasom „suzdržan“.

S 33 glasa „za“ (iz Federacije BiH 24, iz Republike Srpske devet), bez glasova „protiv“ i jednim glasom „suzdržan“, data je saglasnost za ratifikaciju:

- Sporazuma između Evropske zajednice za atomsku energiju (EUROATOM) i zemalja koje nisu članice Evropske unije o učešću tih zemalja u aranžmanima Zajednice za ranu razmjenu informacija u slučaju radiološkog vanrednog događaja (ECURIE),
- Globalne konvencije o priznavanju visokoškolskih kvalifikacija,
- Konvencije Vijeća Evrope o kinematografskoj koprodukciji (revidirana),
- Amandmana na bilateralni sporazum između Vijeća ministara Bosne i Hercegovine i *Compania Espanola de Seguros de Credito a la Exportacion, S.A., Cia de Seguros y Reaseguros, S.M.E (CESCE)*,
- Sporazuma o finansiranju ponovnog uspostavljanja zajedničke stalne izložbe u Bloku 17 Državnog muzeja Aušvic - Birkenau,
- Sporazuma između Evropske unije i Bosne i Hercegovine o pridruživanju Bosne i Hercegovine Programu EU4Health,
- Sporazuma između Vijeća ministara Bosne i Hercegovine i Populacijskog fonda Ujedinjenih naroda,
- Sporazuma o zajmu (Projekat unapređenja geoprostorne infrastrukture i procjene vrijednosti nekretnina) između Bosne i Hercegovine i Međunarodne banke za obnovu i razvoj,
- Izmjena i dopuna Sporazuma o zajmu i Projektnog sporazuma Republike Srpske između Bosne i Hercegovine i Međunarodne banke za obnovu i razvoj (Bosna i Hercegovina – Projekat oporavka i podrške firmama, broj kredita: 9183-BA),
- Ugovora broj 1 o Amandmanu na Ugovor o zajmu potpisan 12. aprila 2022. (GrCF2 W2 Javni prijevoz Sarajevo e-Mobility) između Bosne i Hercegovine i Evropske banke za obnovu i razvoj,
- Ugovora broj 1 o Amandmanu na Ugovor o zajmu potpisan 1. februara 2023. (GrCF2 W2 E2 – Tramvajska pruga Ilidža - Hrasnica) između Bosne i Hercegovine i Evropske banke za obnovu i razvoj.

Sjednica je završena u 17.46 sati.

Sastavni dio Zapisnika je transkript 22. sjednice Predstavničkog doma.

SEKRETAR
PREDSTAVNIČKOG DOMA
Dražen Mustapić

PREDSJEDAVAJUĆI
PREDSTAVNIČKOG DOMA
Nebojša Radmanović